

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>


資料底本: 大正新脩大正藏經 Vol. 21, No. 1307

原始資料: 蕭鎮國大德提供, 北美某大德提供

No. 1307

佛說北斗七星延命經

婆羅門僧將到此經唐朝受持



子

子生人。向此星下生。祿食黍。有厄宜供養此經及帶本星符。大吉。

斗

丑生亥生人。同向此星下生。祿食粟。有厄宜供養此經及帶本星符。大吉。

一

寅生成生人。同向此星下生。祿食粳米。有厄宜供養此經及帶本星符。大吉。

赤

卯生酉生人。同向此星下生。祿食小豆。有厄宜供養此經及帶本星符。大吉。

二

辰生申生人。同向此星下生。祿食麻子。有厄宜供養此經及帶本星符。大吉。

八

巳生未生人。同向此星下生。祿食大豆。有厄宜供養此經及帶本星符。大吉。

斗

午生人。向此星下生。祿食小豆。有厄宜供養此經及帶本星符。大吉。

南無貪狼星。是東方最勝世界運意通證如來佛。

南無巨門星。是東方妙寶世界光音自在如來佛。

南無祿存星。是東方圓滿世界金色成就如來佛。

南無文曲星。是東方無憂世界最勝吉祥如來佛。

南無廉貞星。是東方淨住世界廣達智辨如來佛。

南無武曲星。是東方法意世界法海遊戲如來佛。

南無破軍星。是東方琉璃世界藥師琉璃光如來佛。

若遇行年災厄禮此經七拜。

爾時佛告文殊師利菩薩。所說此經。有大威神有大威力。能救一切眾生重罪能滅一切業障。若有比丘僧比丘。宰官居士善男子善女人。若貴若賤大小生命。皆屬北斗七星所管。若聞此經受持供養轉讀。勸於朋友親族骨肉受持者現世獲福後世得生天上。若善男子善女人。或先亡過者墮於地獄。或受種種苦楚。若聞此經信敬供養。即得先亡離於地獄。生於極樂世界。若有善男子善女人。或被鬼魅所侵邪魔所嬈。惡夢怪異魂魄驚恐。若聞此經受持供養。即得魂魄安寧。永無恐怖。若善男子善女人。或有仕官身役善發征行。若遇此經信敬供養。即得仕官高遷甚大吉。若善男子善女人。或是疾病纏身。欲求輕差。當於淨室燒香供養此經。疾病痊癒。若善男子善女人。欲得進達及以出行經紀。求財稱遂興生貨賣。若遇此經信敬供養。即得求財稱遂出入大吉。若有善男子善女人。或養蠶虛耗六畜不安。即於淨室燒香供養此經。即得田蠶遂意六畜孳榮。永無損失亦無災障。若有女人懷胎難月。若遇此經信敬供養。即一得母子分解厄難消除。所生兒女。皆得端正長命果報。若善男子善女人。須知北斗七星管人生命。一生之中所有災厄。官事口舌釜鳴百怪。若遇此經信敬供養。一無妨害。爾時文殊師利言善男子善女人恭敬信受作禮而散。

佛說北斗七星延命經

(薄草決十七本命下。引用此經。今年幸得梅尾山法鼓臺傳習之本於洛北福勝密寺。施國訓鑄版。于時享和二歲次壬戌紀號仲夏月沙門快道記豐山小池坊輪下總持院 一揆加筆訖慈順)。